

Presentada

MARTINO CONTU
Presidenti de su Centro Studi SEA

Apustis tres annus (2011-2013), «Ammentu» hat mudau su tempus de bessida in su 2014, di fatti, de pubblicazioni annuali s'est furriada in rivista chi bessit duas bortas a s'annu. Apustis s'essida de su primu numuru de s'annu chi c'est bessendi, immoi ndi presentaus su sigundu, chi si riferit a is ses mesis de argiolas finzas a mes'e idas, benit a essiri su 5° volumini de «Ammentu». Custu numuru nou s'innalzat una furriada in sa storia manca curza de sa rivista. Prima de tottu, a cumenzai de icustus ses mesis, «Ammentu» hat a benniri pubblicada impari cun sa Domu editora AIPSA de Casteddu, de balenzia nazionali, chi est de giai lompia a una s'innalada esperientia internazionalis, cun publicacionis in paricias linguas, oberta a sa collaborazioni de foresus i a su cunfrontu cun allenus. Cosas custas necessarias chi s'arrichedint candu si posizionaus in logus attesu de sa Sardigna e de s'Italia, po mellus nai candu si poneus in s'impignu de arribai a risultaus verdaderus, chi no s'iant cosas de bidda nosta scetti, ma generalis, de balenzia prus manna e sinzilla, fruttu de agiudu torrau e de s'imparu cun is atrus, ponendi a pari culturas e sentidus differentis, e differentis modus de pensai, in mesu a esperenzias allenas.

Su sigundu motivu de novidadi est costituiu de su sigundu titulu nou de sa rivista «Bollettinu storicu e Archivisticu de su Mediterraneu e de is Americas». In custa manera heus bofiu precisai mellus s'area de riferimentu e is interessus storicus e archivisticus de «Ammentu», siat po s'area de su Mediterraneu e de is logus prus accanta, siat po is Americas, su continenti nou a su cali sa rivista, in custus ultimus annus, hat dedicau donnia attenzioni, aici comentis arrisultat puru de su Dossier chi si presentat in custu numuru, apariciau de Nunziatella Alessandrini e de Martini Contu, intitulau *S'emigrazioni italiana e portughesa in su Brasili e in aterus Stadius de s'America Latina a s'edadi moderna e de oindi*. De tottu custu nd'hant a derivai cambiamentus gradualis, cumenzendi de si rinnovu de su Comitau de Redazioni, chi hat essiri dimensionau in d'una manera internazonali, inderezzau cun d'una rivista lompia a essi prus diffundia in s'Europa e chi s'est sparzinada sempri mellus, cun risultaus chi no s'aspettamus finzas a calincunu annu fait, in medas Stadius de s'America Latina, ma chi si proponit de allonghiai sa castiada puru concas a su nord, conca a is zonas anglofonas e francofonas de su continenti americanu.